

ياللى عاملى

ياللى عاملى ف نفسك شاعر
ولف شاعرك ليه ضفيره
حاجب واقف والتانى نايم
شكلك واخد كام تعسيله
ماسك ورقه ورايح جاى
اخر ك منى بس بريزه
تشرّب بيها واحد شاي
ولا تخايل بيها عزيزه
بيتهايالى لجل تفوق
ناخدك ونحميك ف جزيره
ياكلك قرش او ياكلك حوت

يبقى ارتاحنا من غمه كبيره
اسمع منى بس نصيحتى
يمكن تبقى كلمه اخيره
عايزك وانت بتكتب غنوه
تبقى عايشها وبتغنيها
او عاك تكسر وزن البيت
ولا تحط كلمه رزيله
مش هاسمح لك ولا هاهتم
بيك او بيها
ده انت ملكشى
ف كل قصايدك بس قصيده
اقعد ساكت
ريح نفسك
خلينا نسمع كلمه مفيده
ياللى عاملى